



Pou Piblikasyon Imedya: 23/02/2022

GOUVÈNÈ KATHY HOCHUL

## GOUVÈNÈ HOCHUL ANONSE NOMINASYON NAN KOMISYON 400 ZAN ISTWA AFWO-AMERIKEN AN

***Gouvènè a dedye plak bay Robert Mulliner ak Robert Lewis, ki se viktim lenchaj nan Konte Orange***

Gouvènè Kathy Hochul te anonse jodi a nominasyon nan Komisyon 400 Zan Istwa Afwo-Ameriken (400 Years of African-American History Commission) an, ki sèvi pou mete aksan sou kontribisyon Afriken yo ak Afwo-Ameriken yo nan peyi nou an ak nan Eta New York. Gouvènè a te fè anons lan nan Newburgh, kote li te anonse tou plak komemorasyon yo ke yo pral dedye pou onore Robert Mulliner ak Robert Lewis, ki se de viktim lenchaj rasis nan Konte Orange. Yo te touye Robert Mulliner nan Newburgh an 1863, epi yo te touye Robert Lewis nan Port Jervis an 1892.

"Pou chak rapèl sou wòl esansyèl New York te jwe nan batay pou dwa sivil la, gen yon lòt rapèl ki pi douloure se pou rezon sa batay sa a te nesesè an premye", **Gouvènè Hochul te deklare.** "Nou dwe rekonèt epi admèt chapit ki fè lawont yo nan pase eta nou an, asire Nouyòkè yo gen yon pi bon konpreyansyon sou istwa nou an, epi konbat zak rasis ak fanatiz sou tout fòm. Nan Mwa Istwa Nwa (Black History Month) sa a, se yon onè pou mwen pou m dedye plak sa yo epi nonmen sèt lidè sa yo nan Komisyon 400 Zan Istwa Afwo-Ameriken an. Aksyon sa yo pral ede nou konprann istwa nou pi byen, pandan y ap pouse nou kontinye fè pwogrè."

**Gouvènè Adjwen Benjamin te deklare,** "Lidè nou nonmen jodi a nan Komisyon 400 Zan Istwa Afwo-Ameriken yo se kèk pamì sèvitè publik ki pi byen file, ki pi devwe peyi sa a te janm wè. Yo se moun ki pi bon pou ede deside ki jan New York ka pi byen rekonèt istwa rasis nan Etazini an—epi pou imajine kijan pou selebre istwa Nwa yo pandan n ap avanse pou pi devan nan yon avni ki pi enklizif. Mwen remèsye Gouvènè Hochul dèské li fè nominasyo yo tounen yon priyrite pou administrasyon li an".

Nan fè patenarya ak òganizasyon kominotè yo, Komisyon 400 Zan Istwa Afwo-Ameriken anpral reyini moun atravè evènman, aktivite, ak rechèch edikatif. Komisyon an pral gen sèt moun ki nonmen pa Gouvènè a, Sekretè Deta a oswa yon moun yo deziyen nan non yo, Komisè Edikasyon an oswa yon moun yo deziyen an non yo, de manm nonmen pa Prezidan tanporè Sena a, de manm nonmen pa Prezidan Asamble a, yon manm nonmen pa lidè minorite Sena a, ak yon manm nonmen pa lidè minorite asamble a.

Moun Gouvènè Hochul nonmen yo genyen ladan yo:

**Doktè. Hazel Dukes:** Dukes se Prezidan NAACP New York State Conference epi li se yon Manm Komite Egzekitif NAACP la. Dukes se Prezidan Hazel Dukes Consulting Firm. Dukes te resevwa yon BA (Diplòm Lisans) li nan Adelphi epi li te tèmine etid siperyè li nan Queens College.

**Doktè. Laurie Woodard:** Woodard se yon pwofesè istwa/etid sou moun nwa nan CCNY. Rechèch li yo konsantre sou entèsekson ant domèn kiltirèl ak politik epi li itilize metodoloji entèdisiplinè, ki soti nan etid sou pèfòmans, teyori rasyal enpòtan, ak etid sou fanm ak sèks. Li te benefisyè National Endowment for the Humanities Schomburg Scholar-in-Residence Fellowship (Dotasyon Nasyonal pou Bous Rechèch nan Rezidans Schomburg nan Syans Zimèn) ak Pri Sylvia Arden Boone. Travay li parèt nan The New York Times ak American Quarterly. Li se moun ki resevwa yon 2018 Andosman Nasyonal pou the Pri Fakilte Syans Zimèn epi kounye a l ap konplete yon maniskri sou lavi ak travay atis k ap pèfòmans ak aktivis dwa sivil Fredi Washington.

**Doktè. Henry Taylor:** Taylor se yon Pwofesè nan University of Buffalo kote li konsantre sou analiz istorik ak kontanporen sou pwoblèm ki antoure kominote nwa ak Latino a. Nan kad sa a, rechèch Taylor a konsantre tou sou pwoblèm sa yo nan Kiba, Zile Karayib yo ak Amerik Latin nan. Anfen, Taylor konsène ak re-devlopman vil ki diminye yo ak vil metropoliten yo, ak yon konsantrasyon sou jistis sosyal, ekonomik ak rasyal. Li gen yon BS nan Tennessee A&T State, yon MS nan University of Tennessee, ak yon MA ak yon PhD nan SUNY Buffalo.

**Doktè. Anne C. Bailey:** Anne C. Bailey se yon ekriven, istoryen, ak yon Pwofesè Istwa nan SUNY Binghamton. Bailey angaje nan yon konsèp "istwa vivan" kote evènman nan tan pase yo konekte ak pwoblèm aktyèl ak kontanporen yo ladan. Li konsène tou ak rekonsilyasyon kominote yo apre konfli ki date depi lontan tankou esklavaj, lagè ak jenosid.

**Doktè. Kishi Ducre:** Ducre se yon Dwayen Asosye pou Divèsite, Ekite, ak Enklizyon nan Syracuse University. Ducre se otè de liv. Premye liv Ducre la te sou sèks, ras, ak jistis nan Syracuse. Piblikasyon ki vin apre li a konsantre sou jistis anviwònmantal ak alimantè ak lyen ant ak lekòl ak filyè prizon an. Ducre te resevwa PhD li nan Michigan an 2005 e li te kòmanse anseye Syracuse yon ti tan apre sa. Ducre resevwa yon MA nan Maryland.

**Jennifer Jones Austin:** Jones Austin se Direktè Egzekitif Jeneral Federasyon Ajans pou Byenèt Pwotestan (Federation of Protestant Welfare Agencies) yo. Kòm Direktè Egzekitif Jeneral, Jones Austin konsantre sou anti-povrete, politik ak defans pou yon òganizasyon ki gen ladan li 170 ajans manm ak patnè relije. Espesyalman, yo konnen Jones Austin pou travay li ki pote pi gwo konpreyansyon sou lyen ki genyen ant ras, povrete, lwa, ak politik sosyal nan Etazini an. Anvan li te vin Direktè Egzekitif Jeneral, Jones Austin te sèvi kòm Vis Prezidan Prensipal nan United Way nan Vil New York.

Anplis de sa, Jones Austin gen eksperyans alafwa nan nivo eta ak lokal. Jones Austin te Komisè Adjwen pou Administrasyon NYC pou Sèvis Timoun, epi yon Chèf Adjwen Biwo Dwa Sivil nan biwo Pwokirè Jeneral la. Jones Austin se otè *Consider it Joy*, yon memwa ki revele istwa pèsonèl li sou yon maladi ki menase lavi ak fason li te simonte li. Jones Austin resevwa yon BA nan Rutgers, yon MA nan NYU, epi li te resevwa JD li nan Fordham Law School.

**Joy Bivins:** Bivins se Direktè Schomburg Center nan Vil New York. Yo te nonmen Bivins Direktè Schomburg la an 2021. Anvan sa, Bivins te travay nan Schomburg kòm Direktè Asosye Koleksyon ak Sèvis Rechèch. Bivins se premye fanm ki te dirije Schomburg depi lè Jean Huston te demisyone an 1980. Anvan li te rantre nan Schomburg, Bivins te sèvi kòm konsèvatè anchèf Mize Entènasyonal Afwo-Ameriken an nan Charleston, South Carolina. Li te bay kontni ak sipèvizon konsepsyon pou egzibisyon inogiral li yo. Anvan IAAM lan, Bivins te Direktè Afè Konsèvason nan Chicago History Museum, kote Bivins te sipèvize ak jere ekip konsèvatè ak istoryen li yo. Bivins te kòmanse karyè li kòm pwomotè egzibisyon pwojè Teen Chicago nan Chicago History Museum lan. Bivins resevwa yon MA nan Cornell ak yon BA nan Michigan.

**Reprezantan Sean Patrick Maloney te deklare,** "Pandan n ap selebre rezistans ak ekselans Nwa nan Etazini, li enpòtan pou nou retounen sou istwa nou an onètman, menm chapit ki pi sonm yo, epi adrese eritaj rasis kont Nwa Ameriken yo pandan n ap goumen pou yon nasyon ki pi jis. Mwen te onore pou m patisipe nan evènman jodi a ak Gouvènè Hochul ak Majistra Harvey pou m sonje istwa pwisan isit la nan Newburgh epi pou m mete aksan sou travay enpòtan Komisyon 400 Zan Istwa Afwo-Ameriken an."

**Senatè Leroy Comrie te deklare,** "Mwen akeyi nominasyon distenge Gouvènè Hochul nan Komisyon 400 Zan Istwa Afwo-Ameriken an. Lè mwen te ekri lejislasyon ki etabli Komisyon sa a, mwen te anvizaje yon koleksyon Nouyòkè ki te angaje sivikman ki pasyone pou remonte istwa Afwo-Ameriken yo. Nominasyon Komisyon an yo ke Gouvènè Hochul anonse jodi a ap reyalize vizyon sa a. Pandan Komisyon an ap kòmanse ankouraje lyen nan kominote yo ak atravè Eta New York, mwen pa ka tann pou mwen sèvi kòm yon patnè ansanm ak òganizasyon kominotè yo ki angaje nan edike ak fè istwa Afwo-Ameriken an vin vivan."

**Manm Asanble Taylor Darling te deklare,** "Mwen kontan dèské Gouvènè Hochul angaje nan rekonesans ak eksplorasyon istwa Afwo-Ameriken an. Mwen ta renmen rann omaj ak frè m an matyè lidèchip ak patwon pwojè Sena sa a, Senatè Leroy Comrie. Pwojè Iwa sa a se youn nan pwojè Iwa ki pi enpòtan mwen te janm gen onè pou m patwone nan Asanble Eta New York la. Pandan n ap avanse pi pre pou finalize manm Komisyon 400 Zan Istwa Afwo-Ameriken an-nou pi pre pou n fè sa ki dwat ak sa ke yo t ap tann depi LONTAN. Istwa Afwo-Ameriken an se Istwa Ameriken epi fè li pase sou silans pral asire ke gwo Eta sa a pa janm rive atenn tout potansyèl li. Anpil nan pwoblèm jodi a ki afekte kominote Afwo-Ameriken an se yon konsekans esklavaj nou pou devlope ak bati richès ki isit la nan Amerik la. Mwen pa ka tann gwo travay

komisyon sa a pandan n ap devlope vrè solisyon pou pwogrese bél kominate sa a ki pa jwi dwa sivik li."

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

ANILE ENSKRIPSYON OU